



- SENAT –

Broj: 01-8-11/19

Sarajevo, 27. 02. 2019. godine

Na osnovu člana 130. Zakona o visokom obrazovanju („Sl. novine Kantona Sarajevo“, broj: 33/17) i člana 59. Statuta Univerziteta u Sarajevu, Senat Univerziteta u Sarajevu je na 28. redovnoj sjednici održanoj 27. 02. 2019. godine, *d o n i o*

ODLUKU
O DOPUNI POSLOVNIKA O RADU SENATA UNIVERZITETU U SARAJEVU,
broj: 01-922-1/17 od 25. 01. 2017. godine

I

Usvaja se dopuna Poslovnika o radu Senata Univerziteta u Sarajevu, broj: 01-922-1/17 od 25. 01. 2017. godine, kako slijedi:

Dosadašnji član 6. (Vrste sjednica Senata), koji glasi:

„Član 6.
(Vrste sjednica Senata)

Sjednice Senata mogu biti: redovne, vanredne, tematske, izborne, svečane i komemoracijske.“

dopunjava se i sada glasi:

„Član 6.
(Vrste sjednica Senata)

Sjednice Senata mogu biti: redovne, vanredne, tematske, izborne, svečane, komemoracijske i elektronske.“

Dosadašnji član 7. (Redovna, vanredna, tematska sjednica Senata), koji glasi:

„Član 7.
(Redovna, vanredna, tematska sjednica Senata)

- (1) Redovne sjednice Senata održavaju se radi odlučivanja o pitanjima iz nadležnosti Senata u skladu sa akademskim kalendarom.
- (2) Vanredne i tematske sjednice Senata održavaju se kada, zbog posebnih okolnosti, za tim nastane potreba.
- (3) Rektor u pripremi sjednice pomažu prorektori i generalni sekretar, koji čine Kolegij rektora Univerziteta u Sarajevu.
- (4) Sjednicu Senata saziva rektor na vlastitu inicijativu ili na prijedlog većine članova Senata.“

dopunjava se i sada glasi:

„Član 7.
(Redovna, vanredna, tematska i elektronska sjednica Senata)

- (1) Redovne sjednice Senata održavaju se radi odlučivanja o pitanjima iz nadležnosti Senata u skladu sa akademskim kalendarom.
- (2) Vanredne i tematske sjednice Senata održavaju se kada, zbog posebnih okolnosti, za tim nastane potreba.

- (3) *Izuzetno, u slučaju potrebe hitnog donošenja određenih odluka ili zaključaka o pitanjima iz nadležnosti Senata, sjednice Senata se mogu održati i elektronskim putem (elektronska sjednica)*
- (4) *Ukoliko se sjednica Senata održava elektronskim putem, članovima Senata se putem linka, pored dnevnog reda i materijala za sjednicu, dostavlja i pisano obrazloženje razloga za održavanje sjednice elektronskim putem sa prijedlogom odluka/zaključaka po pojedinim tačkama dnevnog reda.*
- (5) *U pozivu za sjednicu koja se održava elektronskim putem, članovima Senata se ostavlja rok do kojeg se mogu izjasniti o prijedlozima odluka/zaključaka po pojedinim tačkama dnevnog reda. Članovi Senata se elektronskim putem izjašnjavaju glasanjem ZA, PROTIV, ILI SUZDRŽAN.“*

Postojeći stavovi (3) i (4) postaju stavovi (6) i (7).

II

Ova odluka stupa na snagu danom donošenja.

REKTOR

Prof. dr. Rifat Škrijelj



Dostaviti:

- ① Članovima Senata UNSA
- Generalnom sekretaru UNSA
- U dokumentaciju Senata UNSA
- Arhivi